



JABATAN PERKHIDMATAN VETERINAR

Department Of Veterinary Services

Kementerian Pertanian dan Keterjaminan Makanan
Wisma Tani, Blok Podium Lot 4G1 & 4G2
No. 28 Persiaran Perdana, Presint 4
62630 PUTRAJAYA
MALAYSIA

Tel : 603-8870 2000
Faks : 603-8888 6021
E-mel : pro@dvs.gov.my
Laman Web : www.dvs.gov.my

SIARAN MEDIA

PROGRAM LAWATAN YB DATUK SERI HAJI MOHAMAD BIN SABU, MENTERI PERTANIAN DAN KETERJAMINAN MAKANAN (MAFS) KE LOJI PEMPROSESAN SARANG BURUNG WALET

Tarikh : 7 Februari 2023 (Selasa)
Masa : 2.30 petang
Tempat : Syarikat Asiawalit Resources Sdn. Bhd.
No. 5 & 7, Jalan Industri PBP 11,
Taman Perindustrian Pusat Bandar Puchong, Selangor.

SELANGOR, 7 FEBRUARI 2023 - Sarang burung walet (SBW) merupakan salah satu industri penting yang sedang berkembang pesat dengan permintaan yang tinggi secara global.

Kerajaan Malaysia telah mengenalpasti industri sarang burung walet sebagai cabang yang berpotensi untuk dijadikan sebagai *Economic Transformation Programme* (ETP) di bawah *National Key Economic Areas* (NKEAs) yang akan dapat membantu dalam meningkatkan Pendapatan Negara Kasar (GNI) kepada RM4.5 billion di samping mewujudkan 20,800 peluang pekerjaan.

Komoditi ini kekal kukuh dengan jumlah eksport sebanyak 7,838 tan metrik yang bernilai RM1.9 billion pada tahun 2022. Sehingga kini sebanyak 14,636 premis rumah burung walet telah berdaftar dengan Jabatan Perkhidmatan Veterinar (DVS).

Bagi memastikan produk sarang burung walet yang berkualiti tinggi dan selamat digunakan pengguna, DVS sentiasa memberi galakan dan khidmat nasihat berterusan agar pengusaha mengamalkan amalan perlادangan yang baik untuk mendapatkan Persijilan MyGAP bagi semua rumah burung walet.

Sehingga kini, 2314 rumah burung walet telah mendapatkan Persijilan MyGAP manakala sebanyak 56 loji pemprosesan sarang burung walet telah mendapat pensijilan *Veterinary Health Certificate Malaysia* (VHM) dan 36 mendapat pensijilan *Good Veterinary Hygiene Practice* (GVHP).

Selain itu, 41 loji burung walet di Malaysia telah diluluskan oleh GACC iaitu 38 loji EBN-RC dan 3 loji EBN-RUC.

Asiawalit Resources Sdn. Bhd. merupakan antara pengusaha yang bergiat aktif di Malaysia serta memiliki loji pemprosesan di Puchong, Selangor dan dalam proses permohonan kelulusan pihak General Administration of Customs of People's Republic of China (GACC) untuk mengeksport sarang burung walet tidak bersih (EBN-RC) dan sarang burung walet mentah belum bersih (EBN- RUC) ke negara tersebut.

Syarikat yang boleh memuatkan 1000 orang pekerja dalam satu masa ini unik berdasarkan fasilitinya yang lengkap dengan *Swiftlet Eco Culture Museum* dan juga *International Swiftlet Nest Education and Training Center*.

Kementerian Pertanian dan Keterjaminan Makanan menerusi DVS akan terus membantu para pemain industri dalam meningkatkan penghasilan dan pengeluaran sarang burung walet yang berkualiti tinggi.

**JABATAN PERKHIDMATAN VETERINAR
KEMENTERIAN PERTANIAN DAN KETERJAMINAN MAKANAN (MAFS)
7 FEBRUARI 2023**